



Kommunar i geografisk driftseining Stor-Bergen

Dykkar referanse:

Vår referanse:

Stad, dato:

24/239816

Bergen, 22.05.2026

## Høyringsbrev – endringar i organisasjonsstrukturen for dei geografiske driftseiningane i Vest politidistrikt

### 1. Bakgrunn

Verda, samfunnet og norsk politi står overfor store utfordringar i tida som kjem. Ei ny tryggleikspolitisk situasjon, eit stadig meir dynamisk og komplekst kriminalitetsbilette, klimaendringar og aukande førekomst av ekstremvêr, rask teknologisk utvikling og demografiske endringar er noko av det som påverkar korleis politiet må løyse samfunnsoppdraget sitt i samspel med innbyggjarar og samarbeidspartnarar.

Offentleg sektor og politiet har fått ulike pålegg om å utnytte ressursane meir effektivt og avgrense underliggjande kostnadsvekst, og ein ventar trongare økonomiske rammes i åra som kjem. Ressursrammene for politidistriktet blir opplevde som knappe slik dei er i dag. I tillegg har politidistriktet utfordringar med å halde på, utvikle og rekruttere nye medarbeidarar i store delar av politidistriktet innanfor den spreidde organiseringa vi har i dag.

Vest politidistrikt har difor gjennomført eit prosjekt for å vurdere og vidareutvikle:

- arbeids- og samarbeidsprosessar internt og eksternt
- organiseringa av dei geografiske driftseiningane
- eigeoms- og utstyrsporteføljen
- vakt- og beredskapsordningar
- samhandlinga mellom geografiske og funksjonelle driftseiningar
- fortløpande utviklingsmetodikk

Målet er å sikre best mogleg polititenester til befolkninga – både i dag og i åra som kjem innanfor dei rammene vi har til rådvelde.

Politidistriktet er stort og samansett med 38 kommunar, høg aktivitet, lange avstandar, krevjande vegnett og store variasjonar i befolkning, oppdragsmengd og kriminalitet. Ein vesentleg del av politioppdraga og den registrerte kriminaliteten er konsentrert rundt regionale trafikknutepunkt og større befolkningssentra. Samstundes er det avgjerande å

halde oppe lokal tilgjenge, førebygging og beredskap også i områder med lågare oppdragsvolum og store avstandar.

## 2. Tema for høyring

Politimeisteren si leiargruppe har på dette grunnlaget tilrådd endringar som skal:

- sikre målretta og tilpassa nærvær der behovet for polititenester er størst
- utvikle større fagmiljø som kjem heile distriktet til gode
- leggje til rette for tydelegare prioriteringar, meir effektiv ressursbruk og avgrense underliggjande kostnadsvekst
- leggje til rette for større fagmiljø for å halde på, utvikle og rekruttere medarbeidarar i heile distriktet
- vidareutvikle samhandling internt i politiet og med kommunane
- sikre lokal nærleik, tilgjenge, førebygging og tryggleik

Politimeisteren si leiargruppe føreslår følgjande endringar:

- reduksjon i tal på politistasjonsdistrikt frå 14 til 9
- endring av sju politistasjonar til såkalla tilpassa politistasjonar
- fase ut fire politistasjonar der det over tid ikkje har vore eit reelt polititilbod
- oppretthalde tre geografiske driftseiningar inntil vidare

Ein sentral del av tilrådinga er å sjå omgrepet nærleik for politiet på ein ny måte, ved å gå frå likt tilhald i faste bygg til å ha nærvær, gjennom mellom anna digitale møtestader, tilpassa politistasjonar og mobile møteplassar. Mobilt nærvær gjev òg kortare responstid og betre moglegheit til å nå innbyggjarane raskare når dei treng politiet.

## 3. Høyring

Politidistriktet ber om høyringsinnspel frå alle kommunar i politidistriktet. Alle kommunar vil anten bli direkte eller indirekte rørte av endringane som er føreslått.

Vi ber særleg om kommunane sine vurderingar innan tre område:

1. **Generelle vurderingar** av den samla tilrådinga og endringane som er føreslått
2. **Spesifikke synspunkt** på endringar og avbøtande tiltak knytt til sårbarheiter som rører den einskilde kommunen
3. **Innspel til vidare samarbeid** mellom kommune og politi for å sikre gode, tilgjengelege og førebyggjande polititenester for alle innbyggjarar innanfor gjeldande rammer

Fristen for høyringssvar blir sett til **torsdag 1. oktober 2026**, jf. utgreiingsinstruksen § 3-3.

## 4. Kommunespesifikk utgreiing

Det blir fleire organisatoriske endringar i Bergensregionen. Nordhordland politistasjonsdistrikt blir slått saman med Bergen nord politistasjonsdistrikt til Stor-Bergen nord politistasjonsdistrikt. Stor-Bergen nord politistasjonsdistrikt tek over polititenesta i Osterøy kommune, der politistasjonen blir fasa ut. Bjørnafjorden og Austevoll politistasjonsdistrikt blir slått saman med Bergen sør politistasjonsdistrikt til Stor-Bergen sør politistasjonsdistrikt. Begge dei nye politistasjonsdistrikta blir overførte frå geografisk driftseining Hordaland til den geografiske driftseininga vi førebels har kalla Stor-Bergen. Endringane vil i større eller mindre grad påverke kommunane i:

Stor-Bergen sør:

- Bergen med bydelane Fana og Ytrebygda
- Bjørnafjorden (områda Osøyro, Søfteland, Hagavik og Halhjem)
- Austevoll

Stor-Bergen vest:

- Bergen med bydelane Fyllingsdalen og ytre delar av Laksevåg
- Øygarden
- Askøy

Stor-Bergen nord:

- Bergen med bydelane Åsane og Arna
- Alver
- Osterøy
- Austrheim
- Gulen
- Masfjorden
- Solund
- Fedje
- Modalen

Her gjer vi greie for kva endringar i polititenestene som blir føreslått for dei enkelte kommunane, korleis sårbarheiter er vurdert og kva avbøtande tiltak som blir føreslått.

### 4.1. Endringar som rører ved dei ulike kommunane

Endringane som er tilrådd er:

- **Bergen sør politistasjonsdistrikt blir slått saman med Bjørnafjorden politistasjonsdistrikt til Stor-Bergen sør politistasjonsdistrikt.** Dei tre politistasjonane Bjørnafjorden, Austevoll og Bergen sør (tilpassa politistasjon), samt Bergen lufthamn, inngår i politistasjonsdistriktet. Det nye politistasjonsdistriktet blir innlemma i den geografiske driftseininga Stor-Bergen. Bergen og Bjørnafjorden kommunar har gitt høyrings svar på denne endringa i brev av høvesvis 25.09.2025 og 04.09.2025, som er tekne omsyn til i det vidare utviklingsarbeidet.

- **Bergen vest politistasjonsdistrikt blir slått saman med Askøy og Øygarden politistasjonsdistrikt til Stor-Bergen vest politistasjonsdistrikt.** Dei tre politistasjonane Bergen Vest, Øygarden (tilpassa politistasjon) og Askøy (tilpassa politistasjon) inngår i politistasjonsdistriktet. Det nye politistasjonsdistriktet inngår i den geografiske driftseininga Stor-Bergen.
- **Bergen nord politistasjonsdistrikt blir slått saman med Nordhordland politistasjonsdistrikt til Stor-Bergen nord politistasjonsdistrikt.** Politistasjonane Nordhordland, Masfjorden, Bergen nord (tilpassa politistasjon) og Osterøy (blir fasa ut) inngår i politistasjonsdistriktet. Det nye politistasjonsdistriktet blir innlemma i den geografiske driftseininga Stor-Bergen. Det inneber at Nordhordland politistasjonsdistrikt går over frå den geografiske driftseininga Hordaland til den geografiske driftseininga Stor-Bergen.

**Bergen sentrum politistasjonsdistrikt** består som i dag. Politistasjonen har funksjonelt ansvar for etterforsking av vald i nære relasjonar og seksuelle overgrep, innsatsleiing og operativ planlegging, koordinering av vakt og beredskap og politiet si uttrykkingseining (UEH) for heile den geografiske driftseininga.

Dei funksjonelle driftseiningane vil framleis sørgje for spesialistkompetanse og rask sakshandsaming i alvorlege og kompetansekravjande saker i heile distriktet.

## 4.2. Risiko- og sårbarheitsvurdering

Politidistriktet har vurdert sårbarheiter og risiko knytt til tema identifisert i eigen risiko- og sårbarheitsanalyse, høyringsinnspel og innbyggjardialog:

- responstid og beredskap
- lokal tilgjenge og publikumskontakt
- førebyggjande arbeid, særleg overfor barn og unge
- samhandling med kommunen og andre beredskapsaktørar

Risikoreduserande tiltak er skildra i punkt 4.3. Med risikoreduserande tiltak er restrisikoen vurdert som akseptabel for alle politistasjonsdistrikta.

**Vurderinga for Stor-Bergen sør politistasjonsdistrikt** er at:

- **Responstid og beredskap.** Leiing og oppmøtestad for vakt og beredskap gjennom politipatroljen vil vere i Bjørnafjorden, og for eininga på Austevoll i Austevoll som i dag. Politipatroljen vil mønstre på i Bjørnafjorden, som er nabokommunen til Bergen, og ha ei utrykkingskøyringstid på åtte/ni minutt lengre enn frå dagens lokasjon i Nesttunbrekka. Ved tunnelstenging på E39 kan utrykkingstida bli meir enn dobla. Det kan då oppstå ei sårbarheit for auka responstid og svekka beredskap i Bergen sør.
- **Lokal tilgjenge og publikumskontakt.** Det kan oppstå ei sårbarheit for manglande lokal tilgjenge og publikumskontakt i Bergen sør.

- **Førebyggjande arbeid, særleg overfor barn og unge.** Svekkja førebyggjande arbeid, særleg overfor barn og unge i Bergen sør, kan bli ei sårbarheit. Den tilpassa politistasjonen i Bergen sør vil, i tillegg til å vere eit basepunkt for politipatruljen og eit lågterskeltilbod for innbyggjarane, òg ha eit førebyggjande hovudføre mål, særleg overfor barn og unge.
- **Samhandling med kommunen og andre beredskapsaktørar.** Risikoen for svekt samhandling med Bergen kommune og andre beredskapsaktørar kan bli ei sårbarheit.

#### **Vurderinga for Stor-Bergen vest politistasjonsdistrikt er at:**

- **Responstid og beredskap.** Politipatruljen vil mønstre på i Bergen vest, der det vil bli vurdert å legge ein lokasjon i tilknytning til det nye Sotrasambandet og det etablerte Askøysambandet. Det kan då oppstå ei sårbarheit for auka responstid og svekkja beredskap i Øygarden og Askøy. Etableringa vil ikkje vere aktuell før nytt Sotrasamband er opna.
- **Lokal tilgjenge og publikumskontakt.** Det kan oppstå ei sårbarheit for manglande lokal tilgjenge og innbyggjarkontakt i Øygarden og Askøy.
- **Førebyggjande arbeid, særleg overfor barn og unge.** Svekkja førebyggjande arbeid, særleg overfor barn og unge i Øygarden og Askøy, kan bli ei sårbarheit. Dei tilpassa politistasjonane i Øygarden og/eller Askøy vil, i tillegg til å vere basepunkt for politipatruljen og eit lågterskeltilbod for innbyggjarane, òg ha eit førebyggjande hovudføre mål, særleg overfor barn og unge.
- **Samhandling med kommunen og andre beredskapsaktørar.** Risikoen for svekkja samhandling med Øygarden og Askøy kommunar og andre beredskapsaktørar kan bli ei sårbarheit.

#### **Vurderinga for Stor-Bergen nord er at:**

Stor-Bergen nord dekkjer eit langstrekt område med både eit tydeleg bypreg og mindre folkesette fjord-, fjell- og øyområde.

- **Responstid og beredskap.** Leiing og oppmøtestad for vakt og beredskap gjennom politipatruljen vil vere i Nordhordland. Politipatruljen vil mønstre på i Nordhordland, der det blir planlagt ein lokasjon i tilknytning til Nordhordlandsbrua. Det kan då oppstå ei sårbarheit for auka responstid og svekkja beredskap i Bergen nord på grunn av sårbar infrastruktur som gir utfordringar med framkome. Det kan òg oppstå ei sårbarheit for at patruljane blir sette inn i dei folkerike områda i Bergen på kostnad av kommunane som dekkjer dei ytre områda av Nordhordland.
- **Lokal tilgjenge og publikumskontakt.** Det kan oppstå ei sårbarheit for manglande lokal tilgjenge og publikumskontakt i Bergen nord, men òg i kommunane som dekkjer dei ytre områda av Nordhordland.

- **Førebyggjande arbeid, særleg overfor barn og unge.** Sveikka førebyggjande arbeid, særleg overfor barn og unge i Bergen nord kan bli ei sårbarheit, men òg i kommunane som dekkjer dei ytre områda av Nordhordland. Den tilpassa politistasjonen i Bergen nord vil, i tillegg til å vere eit basepunkt for politipatruljen og eit lågterskeltilbod for innbyggjarane, òg ha eit førebyggjande hovudføre mål, særleg overfor barn og unge.
- **Samhandling med kommunane og andre beredskapsaktørar.** Sveikka samhandling med det kommunale apparatet, SLT og andre beredskapsaktørar i Bergen nord og i kommunane som dekkjer dei ytre områda av Nordhordland kan bli ei sårbarheit.

### 4.3. Risikoreduserande tiltak

Dei risikoreduserande tiltaka settast i verk for å redusere risikoen for at ressursane i for stor grad blir retta mot dei sentrale, men også dei mindre sentrale strøka. Sårbarheitene skal balanserast gjennom følgjande tiltak:

#### 4.3.1. Oppretthalding av tilpassa politistasjon

Det vil bli vidareført eit anna type tenestetilbod, kalla tilpassa politistasjon, i Bergen sør, Øygarden og/eller Askøy og Bergen nord. Tenestetilbodet skal:

- sikre lokal tilgjenge, synlegheit og tillit
- støtte førebygging, politikontakt og samhandling med kommune og samarbeidspartnarar
- vere kontaktpunkt for innbyggjarane og arbeidsstad for førebyggjarar
- kunne brukast ved varsla hendingar og planlagd innsats

Ved behov kan stasjonen også fungere som basepunkt for patrulje, med arbeidsplassar for rapportskriving, pausar og enkelt utstyr.

Ein tilpassa politistasjon skal som minimum ha følgjande innhald:

- behovstilpassa opningstider
- moglegheit for å ta imot meldingar, tips og bekymringar frå innbyggjarane
- rettleiing om politiet sine tenester og vidare oppfølging

Avklaringar om tenesteinnhald og opningstid må gjerast i samarbeid med kommunane. Lokala blir tydeleg skilta.

Forvaltningstenester og sivil rettspleie inngår ikkje som minstekrav.

Tilpassa politistasjonar har ikkje fast oppmøte for patrulje, og lagrar ikkje verdiar som krev omfattande sikring, som til dømes beslagsrom og våpenlagring. Det blir ikkje stilt faste krav til bemanning. Løysingane er baserte på lokale risikovurderingar og følgjer Politiets Fellestenester sitt konsept for mindre politistasjonar med lågare kostnader til sikring.

Ein tilpassa politistasjon gir lokalt nærvær og operativ støtte, men er ikkje ein fullinnretta politistasjon med kontinuerleg bemanning eller breitt tenestespekter.

Tenesteinnhaldet skal fastsetjast i instruks på politidistriktsnivå og følgjast opp for å sikre at den tilpassa politistasjonen fungerer som ein reell lokal politiressurs innanfor dei økonomiske rammene og dei samla prioriteringane.

#### **4.3.2. Førebyggjande arbeid, særleg overfor barn og unge**

Dei tilpassa politistasjonane vil, i tillegg til å vere eit basepunkt for politipatruljen og eit lågterskeltilbod for innbyggjarane, òg ha eit førebyggjande hovudføremål.

#### **4.3.3. Etablering av mobile møteplassar**

Planlagd og føreseieleg nærvær knytt til fastsette dagar, tider eller behov blir vesentleg i kommunane som dekkjer distrikta sine ytre område. Mobile møteplassar består av politipatruljen og/eller politikontakt og skal sikre innbyggjardialog, informere og trygge befolkninga om relevante tema. Mobile møteplassar skal ivareta tilgjenge utan faste bygg. Ein mobil møteplass kan være på plassar kor folk ferdast eller samlast. Det kan òg leggjast til områder kor det er naudsynt at politiet er til stades for å førebyggja kriminalitet.

Heile den geografiske driftseininga er éin og same vakt- og beredskapsregion, og det inneber at patruljar frå heile driftseininga på ein saumlaus måte dekkjer akutte oppdrag etter flåtestyring frå operasjonssentralen. Den førebyggjande og synlege patruljetenesta vil vere målretta mot definerte utsette område, kombinert med målretta mobile møteplassar i dei ytre områda

#### **4.3.4. Oppretthalde samarbeid om førebyggjande arbeid og lokal beredskap**

Samarbeidet om det førebyggjande arbeidet og den lokale beredskapen blir ivareteke gjennom dei tilpassa politistasjonane, patruljemannskap, målretta lokale møteplassar og innsatsleiarane i driftseininga.

Tiltaka skal samla bidra til at innbyggjarane i Bergen, Nordhordland, Bjørnafjorden, Austevoll, Øygarden og Askøy framleis får tilgjengelege og relevante polititenester.

### **4.4. Vidare samarbeid mellom kommune og politi**

Politidistriktet ser eit stort potensial i det vidare samarbeidet, mellom anna innan:

- meir målretta og konkret førebygging og tidleg innsats
- samlokalisering eller bruk av kommunale lokale
- felles planverk, øvingar og beredskapsarbeid
- bruk av mobile løysingar og alternative møteplassar

Vi ber kommunen særleg vurdere og gi innspel til korleis slikt samarbeid kan vidareutviklast, korleis lokale rus- og kriminalitetsførebyggjande tiltak (SLT), politikontakt og politiråd kan samordnast og vidareutviklast, gjerne i regionråd eller i

interkommunalt samarbeid for mindre kommunar, og kva tilleggstenester som bør leggjast til dei tilpassa politistasjonane og dei mobile møteplassane.

Det er viktig å presisere at dette er starten på ein prosess; ikkje slutten. Kommunane sine høyringssvar vil bli samanstilte og vurderte, slik at dei kan inngå i den vidare handsaminga av innstillinga. Etter det vil innstillinga leggjast fram for partane etter Hovudavtalen, og etter det for direktoratet og departementet. Det betyr at politimeisteren si leiargruppe no har sett ei strategisk retning som det vil ta noko tid å handsame og om mogeleg gjennomføre.

Dersom kommunane ønskjer meir informasjon om høyringa, ber vi om at de tek kontakt. Kontaktperson i Vest politidistrikt er prosjektleiar politiinspektør Morten Espen Ørn ([morten.espen.orn@politiet.no](mailto:morten.espen.orn@politiet.no)).

Med helsing

**Ane Kvaal**  
*politimeister*

**Torgeir Haugen**  
*politiinspektør*

**Vedlegg:**

Strategisk retning – innstilling på politistasjonsdistrikt og tenestestader i dei geografiske driftseiningane (GDE) i Vest politidistrikt

**Sakshandsamar:**

Morten Ørn  
*Politiinspektør*

Kommunar:

Alver  
Askøy  
Austevoll  
Austrheim  
Bergen  
Bjørnafjorden  
Fedje  
Gulen  
Masfjorden  
Modalen  
Osterøy  
Solund  
Øygarden